

SOLO SOLO CU CARNAVAL

Ambiente di parada di mucha

Digicel™

Spera Mas. Hanja Mas.



CIAD, Mighty Buddy y Biggie Boy a haci furor den Caya Grandi

Rey Infantil di Roadmarch, Jair "Mighty Buddy" Vesprey y Rey Hubenil di Roadmarch, Jonathan "Biggie Boy" Thiel, a haci furor den Caya Betico Croes diabierna ultimo. Compañia pa Joaquan Eisdén (kende

ta forma parti di e show di Biggie Boy), e dos Reynan a subi caya pa parti e foyeto di Carnaval di CIAD (Centro di Informacion pa Asuntonan di Droga).

Den e paar di ora cu Mighty Buddy (12 aña), Biggie



Boy (16 aña) y Joaquan (11 aña) tabata den Caya Grandi, nan a parti mas cu 900 foyeto! Alavez nan a duna entrevistanan na practicamente tur medio di comunicacion pa comparti nan mensahe positivo pa Carnaval cu otro mucha y hobennan. E foyeto di CIAD tin na esun banda e lema di Carnaval "Un Carnaval Sano y Conciente sin Droga na bo Mente" y na e otro banda cinco característica di un mucha, hoben y adulto exitoso.

E caracteristicanan aki ta: "Bo ta sabi y bo sa ken bo ta", "Bo tin hopi balor y bo ta respeta bo mes", "Bo ta sigur

di bo mes y bo ta tuma bon decision", "Bo ta balente y bo kier yega leu den bida" y "Bo ta fuerte y bo tin curashi pa pidi yudanza". Riba e folder tin tambe e mascota di CIAD, e famoso Bugszy, cu su mensahe "Stima Bo Mes, Tambe den Carnaval". Tanto Mighty Buddy como Biggie Boy kier a bisa hobennan di Aruba pa nan goza Carnaval sanamente y keda leu di alcohol y droga. Carnaval ta un periodo di riesgo pa tur hende, tanto pa hende cu ya caba ta custuma pa bebe (y droga), como pa mucha y hobennan cu no a envolvi nan mes ainda cu alcohol y droga. Hende cu tabata

bebe y/of droga den pasado y a dicidi pa laga e bida ey, tambe ta core riesgo grandi durante Carnaval, pasobra e ta un periodo di hopi tentacion.

Cu su foyeto, CIAD kier corda mucha, hoben y adultonan riba e balor cu cada un di nos tin den nos mes, ni maske con chikito of grandi nos por ta. Si un persona para fuerte den e cuidu y stimacion cu e tin pa su mes, imposiblemente e por tuma decisionnan robéz. Finalmente CIAD ta gradici DOWCO inmensamente pa su cooperacion pa yuda haci e atardi un éxito: DANKI!!!